



**KENYATAAN MEDIA PRESIDEN AKADEMI PROFESOR MALAYSIA  
SEMPENA  
PERUTUSAN TAHUN BAHARU 2023 MENTERI PENDIDIKAN TINGGI**

Akademi Profesor Malaysia (APM) mengucapkan jutaan tahniah kepada Yang Berhormat Dato' Seri Mohamed Khaled Nordin atas keputusan tahun baharu 2023 yang berwawasan jauh dengan hala tuju yang jelas bagi melonjakkan sektor pendidikan tinggi Malaysia ke tahap yang tertinggi.

APM sebagai satu wadah pemikir yang menggembeng kepakaran Profesor dan ilmuwan negara bersedia memainkan peranan membina dan mendukung kesemua 11 perkara fokus yang telah digariskan. APM turut mengalu-alukan penubuhan Jawatankuasa Menyemak dan Mengkaji Semula Dasar Pendidikan Tinggi Nasional bagi memberi nafas baharu kepada dasar yang lebih lestari dan kontemporari serta berupaya merealisasikan aspirasi nasional.

APM mendukung penuh hasrat KPT dalam bersikap profesional, adil, objektif dan polos politik dalam menterjemah dasar dan program nasional. Ia bertepatan dengan misi APM sebagai pembekal input dasar utama dan advokasi kesejahteraan masyarakat berdasarkan fakta dan kebenaran, serta semak dan imbang yang efektif terhadap formulasi dan pelaksanaan dasar kerajaan dan negara.

APM menyeru semua ahli khususnya, dan warga akademik lainnya untuk sama-sama berganding bahu bersama KPT dan memberi sokongan padu dalam merealisasikan azam yang digariskan dalam keputusan ini.

APM mengucapkan selamat maju jaya kepada KPT. Semoga hasrat murni bagi memulihkan kepercayaan kepada pendidikan tinggi negara akan tercapai bersama.

**Prof. Dato Ir. Dr. Mohd Saleh Jaafar, FASc, FAPM, FIEM, DSIS  
Presiden  
Akademi Profesor Malaysia.**